

- 1^r Tragkeit fyndt man jn allen gschlechten
- 2^r Vor vß jnn dienst mågten / vnd knechten
- 3^r Den kan man nit genügsam lonen
- 4^r Sie können doch jr selbst wol schonen



von tragkeit vnd fulheit

- 1 Keyn besser narr jn aller sach
- 2 Jst / dann der allzyt kan tûn gmach
- 3 Vnd ist so tråg / das jm verbrennt
- 4 Syn schyenbeyn / ee er sich verwent

r

5 Wie rouch den ougen ist nit güt
 6 Was essich ouch den zenen düt
 7 Des glich der tråg / vnd ful düt schyn
 8 Dānen / die hant gesendet jn /
 9 Eyn trāger mensch ist nyemans nutz
 10 Dann das er sie eyn wynterbutz
 11 Vnd das man jn loß schloffen gnüg
 12 Sytzen bym ofen ist syn füg /
 13 Sellig der werckt mit synem karst
 14 Wer müssig gat / der ist der narrst
 15 Die müssig gāden / strofft der her
 16 Vnd gibt der arbeyt lon / vnd ere /
 17 Der böß vindt / nymbt der tragkeyt war
 18 Vnd sāgt gar bald syn somen dar /
 19 Tragkeyt eyn vrsach aller sünd
 20 Macht murmelen Jsrahel die kynd
 21 Daud dett eebruch / vnd dottschlag
 22 Dar vmb das er tråg / müssig lag /
 23 Das Carthago was gantz vmbkert
 24 Dar vmb wart Rom ouch gantz zerstört
 25 Eyn grössern schaden Rom entpfing
 26 An dem das Carthago vnderging
 27 Dann sie von stritt entpfing dar vor
 28 Von jr / hundert vnd sechzehen jor /
 29 Der tråg / der nit gern gat her für
 30 Der spricht / der lōw stat vor der thūr
 31 Der dorecht hund jn heym behalt
 32 Fulkeyt erdenckt eyn wōrwort baldt
 33 Fulkeyt sich wider went / vnd für
 34 Glich wie der angel an der thūr

16 ere GW5041 GW5046] er GW5047 23 Das GW5041 GW5046] Vnd GW5047